

SA's Leading Past Year

Exam Paper Portal

S T U D Y

You have Downloaded, yet Another Great
Resource to assist you with your Studies ☺

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexamapers.co.za



SA EXAM
PAPERS



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LEKUCALA (P1)

LWETI 2022

EMAMAKI: 70

SIKHATSI: Ema-awa la-2

Leliphepha linemakhasi la-13.

TICONDZISO KULABAHOLWAKO

1. Leliphepha lehlukaniswe TIGABA LETINTSATFU:

SIGABA A:	Sivisiso	(30)
SIGABA B:	Sifinyeto	(10)
SIGABA C:	Takhi netimiso tekusetjentiswa kwelulwimi	(30)
2. Fundza TONKHE ticondziso ngekunakisia.
3. Phendvula YONKHE imibuto ngeSiswati.
4. Cala LESO NALESO SIGABA ekhasini LELISHA.
5. Dvweba umugca emva kwaleso naleso sigaba.
6. Tinombolo tetimpgendvulo atihambisane naleto letisephpheni lemibuto njengobe tinjalo.
7. Shiya umugca emkhatsini wetimpgendvulo takho.
8. Caphelisia sipelingi/lupelomagama nendlela lewakha ngayo imisho.
9. Siphakamiso sekulawulwa kwesikhatsi:

SIGABA A:	Lokungenani emaminithi la-50
SIGABA B:	Lokungenani emaminithi la-30
SIGABA C:	Lokungenani emaminithi la-40
10. Bhala ngebunono nangesandla lesifundzekako.

SIGABA A: SIVISISO**UMBUTO 1**

- 1.1 Fundza letheksthi bese uphendvula imibuto lelandzelako.

ITHEKSTHI A**IMPHILO YASETIKHUNGWENI TEMFUNDVO LEPHAKEME**

- | | | |
|---|--|----|
| 1 | Ayikho intfo lehlaba umchwele njenekuba kamatekuletjeni. Phela bonkhe bafundzi batibona ngemehlo engcondvo sebasekhatsi emabalen etikhungo temfundvo lephakeme. Umnyaka bavele bawubone uhamba kancane kuhle kwelunwabu. Utsi Ndvnankhulu weLitiko Letemfundvo Lesisekelo asengakayikhipi imiphumela, labanye basuke sebahlele bacedza kutsi batawuya enyuvesi nobe ekolishi ngobe ticelo basuke batifake ngesikhatsi, bamele sicciseko sekutsi emazinga ekuphumelela kwabo ayabavumela kutsi bente ticu, i-Diploma nobe sitifiketi. Bakhona ke labakhetsa kuphumula umnyaka munye bahleli ekhaya. | 5 |
| 2 | Kunyenti-ke labahlangana nako bafundzi uma sebasetikhungweni temfundvo lephakeme njenekufundza ungalandzelelwu ngumtali nobe umfundzisi . Ubuye uhlangane nebangani labasha, kutibandzakanya emidlalweni letinhlobonhlobo nekukhetsa tindlela tekutijabulisa. Lokunye kwako kuyabaphumelelisa lokunye kubafaka eweni. Sendlalelomuva, similo semfundzi neluhlobo lwebangani labakhetsako ngiko lokuholela ekutseni umfundzi akhene nobe angakhoni kumelana nemphilo yasenyuvesi nobe ekolishi. | 10 |
| 3 | Umfundzi lokhuliseke kahle abuye akhone kutsatsa tincumo letikahle, uvame kutsi aphumelele acedze tifundvo takhe. Loyo mfundzi uyakhona kuhlela kahle sikhatsi abeketelele tonkhe timo lahlangabetana nato ngenjongo yekuphumelela ekugcineni. Labo labanganasisekelo lesicinile bakhetsa kabi baphume balengisa tandla, akukhatsalekile kutsi bebaphumelele ngemalengiso kuto tonkhe tifundvo takumatekuletjeni. Lokunye lokubenta behluleke endleleni kutsi basuke bacala kunyatsela etindzaweni letikhashane nasemakhaya. | 20 |
| 4 | Inkinga lesitsa, lebulala bafundzi, tjwala. Kutsi kungaba nguLesihlanu ntsambama, ubone ngekugcwala kwetimoto sekuyiwa etindzaweni tekutijabulisa. Lapho bafike batikhohlwe kutsi bobani, bangena lapho ibe yincane indzawo. Kuvamisile kutsi babuye ngeLisontfo ntsambama sebaletfwa timoto letibatsetse. Loko kusigaba leshambisana nenkhululeko. Bafundzi labanyenti bakubona kungumkhuba wesimanjemanje kunatsa tjwala . Pho linyenti labo lineminyaka lelishumi nesiphohlongo lebavumela kutsenga tjwala. Lomasontfo Dlamini longumsebenti kulenye yemanyuvesi akuleli leNingizimu Afrika ubeka utsi, 'Bambalwa kakhulu bafundzi labangenela lemidlalo letinhlobonhlobo lekhona emanyuvesi nasemakolishi, lokungiko lokuholela ekutimbandzakanyeni kwabo etjwaleni.' Kulabo labangabutsintsi tjwala bavele babukeke shengatsi bayashiyeka, abati lutfo. Ngaletimpelasontfo kuba litfuba lelihle kubo lekwenta imisebenti yabo babuye batiyele nasemitatjenimabhuku ngenjongo yekuphumelela ekugcineni. | 30 |
| | | 35 |
| | | 40 |

5	Ayikho intfo lebuhlungu kumtali njengekubona umntfwanakhe abuya ekolishi alengisa tandla kantsi ukhokhe tindvodla tetimali ngobe amfisela kutsi abe nemphilo lencono kwedlula Ieyakhe. Tjwala buvele buphikisane naletu tifiso temtali. Nasebabudlile bafundzi ngetimphelasontfo, bakhohlwa ngato tonkhe tinjongo tabo netifiso tebatali. Babona live lilabo. Bavuka banelibhabhalazi, uMsombuluko ugucuke imphelasontfo kubo. Kulalwa imini yonkhe kungayiwa emaklasini, imisebenti labaniketwe yona ibekwe eceleni kute kudlule nelilanga lelimiselwe kutsi lomsebenti uletfwe ngalo. Tjwala ungabutsintsa kanye butsi buyela nangakusasa ugcine sewusigila sabo, kucitseke timali tebatali kungaphunyelelwa ekupheleni kwemnyaka. Bafundzi labatinikele etjwaleni bavame kulengela etingotini letinyenti.	45
6	Hulumende wakuleli ukhatsatekile kakhulu ngesivinini lesisetulu sekwenyuka kwelizinga lekunatfwa kwetjwala, ikakhulukati kulabo labasafundza. Wesabela timphilo tebafundzi netifo labangatitsela kuto ngekunatsa ngalokwecile. Kungako kuhlongotwa kutsi kukhushulwe linani lemnyaka lebavumela kutsi sebangatsenga tjwala. Kuba sigcila setjwala kudala umonakalo lomkhulu etimphilweni tebafundzi. Umfundzi losekasigcila setjwala ukhohlwa konkhe kalula. Ufundza busuku bonkhe bese kutsi nasekumele abhale ngakusasa akhohlwe tonkhe timphendvulo ngisho nelibito lakhe. Lishabalala kanjalo likusasa labo. Kulahleka imali yemtali kanye nahulumende ngobe labanye bafundzi basuke baniketwe imifundzate yekuchubekisa tifundvo tabo.	55
7	Kunalokuvame kwentiwa nguleminye iminden, kutsi nangabe umntfwana aphumelele ngemalengiso kumatekuletjeni atsengelwe siphos lesihle semoto. Nangabe aye ngayo enyuvesi kumbe ekolishi, kuba sitfutsi sekulayisha bangani ngetimphelasontfo kuiwe kuleticedzakoma. Linani leligibela kuyo lemoto liba ngetulu kwesibalo lesilindzelekile. Sivinini lehamba ngaso asibukwa nekubukwa nasebusenhloko lotjwala. Itsi nayigicika imoto kuvalwe emehlo. Etikhatsini letinyenti kubikwa kutsi sibalo lesikhulu setingoti temigwaco kuleli ngulesisuke sidalwe ngulabo labashayela babudlile. Labanye bafundzi labatsengelwa timoto nabaya etikhungweni temfundvo lephakeme abakavami kuphotfula tifundvo tabo basenato timoto.	70
8	Bafundzi labasafundza matekuletjeni kumele bacaciselwe kahle kutsi tikhungo temfundvo lephakeme tifana nato tonkhe tindzawo. <u>Tilikhaya labo lelinye lekutfufukisa emakhono</u> , likhaya lelidzinga kutsi umfundzi agcine akwati nekutimela ekutsatseni tincumo letakhako.	75


[Ihunyushwe ku-inthanethi: www.bing.com]

- 1.1.1 Yini levetwe endzimeni yekucala lelawula bafundzi kutsi bagcine sebenta ticu, i-Diploma nobe sitifiketi? (1)
- 1.1.2 Caphuna umusho losendzimeni yekucala lokhombisa kutsi bafundzi bamatekuletjeni balangatelela kuba setikhungweni temfundvo lephakeme. (1)

- 1.1.3 Khetsa YINYE imphendvulo lehambisana nalenkhulomo lelandzelako:
'Kucala kunyatsela endzaweni.'
- A Kubeka lunyawo
 B Kuba nelunyawo
 C Kwenya lunyawo
 D Kushaya lunyawo (1)
- 1.1.4 Ngumuphi umkhuba lomubi lowentiwa bafundzi losendzimeni yesine lobangela kutsi bagcine bakhohliwe ngemaphupho abo labawayele etikhungweni temfundvo lephakeme? (1)
- 1.1.5 Chaza kutsi labo lababukeka shengatsi bayashiyeka ngobe bangabutsintsi tjwala, bavamise kubajabulisa njani batali babo. (2)
- 1.1.6 Kubaphatamisa njani bafundzisi basetikhungweni temfundvo lephakeme loko lokwenteka endzimeni yesihlanu? Bhala KUBILI. (2)
- 1.1.7 Ngutiphi tingoti LETIMBILI labangalengela kuto bafundzi ngalokuhamba ebusuku? (2)
- 1.1.8 Kubuya kwemntfwanakhe ekolishi alengisa tandla kungaba namuphi umtselela lomubi kuloyo mtali lokhokhe tindvodla tetimali? Bhala KUBILI. (2)
- 1.1.9 Ngumuphi umetamo lovetwe endzimeni yesitupha lohlongotwa nguHulumende kuvimbela bafundzi kutsi bangatibandzakanyi netjwala? (2)
- 1.1.10 Uma unganikwa litfuba lekuba nguSonhlalakahle, ngutiphi teluleko LETIMBILI longatinika labo lesebatigcila tetjwala? (2)
- 1.1.11 Ulahlekelwa njani hulumende ngaletingoti letibangwa kushayela kwebafundzi ngesivinini lesikhulu? Nika KUBILI. (2)
- 1.1.12 Ngumuphi umlayeto lobhekiswe kubatali lowetfulwa ngulomugca logcanyisiwe endzimeni yesikhombisa? (2)

1.2 Fundza lesibonwa bese uphendvula imibuto lelandzelako.

ITHEKSTHI B



[Itsetfwe: <http://www.kingfeatures.com>]

- 1.2.1 Lokwenteka eFREYIMINI ye-1–3 kwehluke ngani kulokwenteka eFREYIMINI ye-4? Bhala KUNYE. (1)
- 1.2.2 Ibasita njani labafundzi lendlela labafundza ngayo eFREYIMINI ye-2? (1)
- 1.2.3 Bhala BUBILI buhle bekufundzela kulendzawo leseFREYIMINI ye-3. (2)
- 1.2.4 Lenzawo yekufundzela leseFREYIMINI ye-3 ingatfutfukiswa ngayiphi indlela? Bhala KUBILI. (2)
- 1.2.5 Kwehluke ngani loko lokwenteka endzimeni yesibili yeTHEKSTHI A emgceni logcanyisiwe, kuloko lokwentiwa nguthishela eFREYIMINI ye-1 kuTHEKSTHI B? (2)
- 1.2.6 Ngekwakho kubona, kuwutsikameta ngayiphi indlela ummango loko lokwenteka emgceni logcanyisiwe endzimeni yesine yetheksthi A naloko lokwenteka eFREYIMINI ye-4 kutheksthi B. Bhala KUBILI. (2)

SAMBA SESIGABA A: **30**

SIGABA B: SIFINYETO**UMBUTO 2**

Fundza letheksthi bese uyayifinyeta ngewakho emagama la-80. Sifinyeto sakho asibe ngendlela yetindzima (emapharagrafu), sivete **tindlela letisikhombisa umtali langatisebentisa kulawula umntfwana kutsi angabi sigcila samabonakudze.**

CAPHELA

1. Akukadzingeki kutsi ubhale sihloko.
2. Khombisa linani lemagama lowasebentisile ekugcineni kwesifinyeto sakho. (Linani lemagama alibe setibiyelweni.)

ITHEKSTHI C**UMNTFWANA ANGAPHILA NGAPHANDLE KWAMABONAKUDZE**

Kugucuka kwetikhatsi kuntjintje indzima lekumele idlalwe batali ebantfwaneni babo. Labanye batali sebayekelele konkhe etandleni tabomabonakudze kutsi kube ngibo labacitsisa bantfwana situnge. Mabonakudze uba netinhlelo temidlalo yabokhewane letijatjulelwana nangulabadzala imbalwa. Letinhlelo tidlalelwana kufundzisa kodvwa tigcina setigcilata bantfwana, ubatfole sebehluleka nekuhlala bangatibukeli. Utfola umntfwana angasadlali nalabanye. Kulesinye sikhatsi kulalwe entsatsakusa kuloku kubukelwana nato, kuvukwe emini lilanga selihlaba enhloko. Bovilavoco bagcine sebabalekela nekwenta imisebenti yasekhaya, emehlo atse njo kulomabonakudze. Kuba ngumsebenti waloyo naloyo mtali kubona kutsi lesimo usilawula kanjani kungakonakali kakhulu.

Iminyaka yekucala lemibili yemntfwana ngiyo lebucayi kakhulu ekukhuleni kwengcondvo yakhe. Kuvunyelwa kwakhe kubukela mabonakudze kuyayilimata ingcondvo. Uma ngabe kwentekile wambukela, umtali kumele abeke imigomo nemibandzela yekunciphisa sikhatsi sekumbukela, lokungenani kube ngemaminithi langemashumi lamatsatfu ngelilanga. Phela minyenti imisebenti leminte lekumele yentiwe.

Kumabonakudze kунетinhlelo letinyenti letifaka neludlame ekhatsi. Uma umntfwana abukelana nato angatfolakala angasalali kahle ebusuku. Labanye baye bacabange kutsi kuyintfo lenhle loko bese bacabanga kulingisa kantsi kuyababulala. Umtali akanakisise tintfo letibukelwa ngumntfwana kumabonakudze. Bahleli bamabonakudze bahlukanisa tinhlelo ngekufaka iminyaka lechaza kutsi bobani labafanele kubukela leto tinhlelo. Kungumsebenti wemtali kutsi akhetsele umntfwana tinchubo letihambisana neminyaka yalomntfwana.

Ingcondvo lekhaliphile ihambisana nemtimba lophilile. Batali abakhutsate bantfwababo kudlala imidlalo kunekuhlalela mabonakudze. Kungaba kudlala ibhola, kujayiva, kupenda nobe kutfunga. Kudlala kutawenta imitimba yabo ihlale iphile saka, ingahlaselwa tifo.

Emakamelo yindzawo yekuphumula emva kwelusuku loludze kusetjentwa kumbe kudlalwa. Uma ngabe kufakwe mabonakudze ekamelweni umntfwana uchubeka abukele lomabonakudze kune kutsi aphumule. Ngako-ke umtali lokhatsalela umntfwanakhe angafaki mabonakudze emakameleni ekulala.

Uma umntfwana asesemncane, akafundziswe kutsi kumele atfole imvumo kumtali wakhe yekuvula mabonakudze. Phela Siswati sitsi lugotjwa lusemanti. Umtali naye angahlaleli kugcolotelana namabonakudze kusukela ekuseni lize liyewutibeka kunina analomntfwana.

Kubalulekile kutsi batali bakhulise bantfwana babo ngelisiko labakhuliswe ngalo kute imihambo nemagugu kungalahleki.

[Itsetfwe: *Liphephabhuku i-Bona*, Indlovana 2016]

SAMBA SESIGABA B: 10

SIGABA C: TAKHI NETIMISO TEKUSETJENTISWA KWELULWIMI**UMBUTO 3: SIKHANGISI**

Fundza lesikhangisi bese uphendvula imibuto lelandzelako.

ITHEKSTHI D
**BUHLE BAKHO BUSETANDLENI
TABOCHWEPHESHE!**


Isaluni yakaTitsandze.



1. Imitsi yetfu yelula tinwele letimfisha tifike etinyaweni.
2. Bomatsandzakubukwa labalungiswe ngitsi bashayela etulu.
3. Tifikele matfupha ungene ngekhatsi, awunawutisola!
4. Timonyo tebuso tenta buso balabasikati bube busheleleti.

082 555 6677

Ayikhokhelwa!

14 Ekuphumuleni Mall

Tipesheli tekuphela kwenyanga:

Inhloko igezwa ngesephulelo sa-50%.

[Itsetfwe: www.heirraising.com]

- 3.1 Nguliphi lisu lelisetjentiswe ngulokhangisako kuletipesheli tekuphela kwenyanga kudvonsa batsengi?

Khetsa YINYE imphendvulo kuletilandzelako:

Inkhulumo ...

- A leyimfundzisolate.
- B letsintsa imiva.
- C letsatsa luhlangotsi.
- D lehhungako.

(1)

- 3.2 Leligama lesaluni, 'Titsandze,' lihambisana njani nendzawo lebasebentela kuyo? (1)
- 3.3 BakaTitsandze benta njani kute emakhasimende abo angahlali sikhatsi lesidze uma ubuka lesitfombe salomuntfu lolungiswa buso? (1)
- 3.4 Wena ucabanga kutsi yini leyenta lokhangisako atsi batsengi batingenele matfupha ngekhatsi abanawutisola? (1)
- 3.5 Dvwebela emagama lenta kutsi lenkhulumo lekunombolo 1 ibe yinkhulumo lehhungako. (2)
- 3.6 Phindza ubhale lomusho lolandzelako bese ucala ngekutsi:
- Kusasa ...** (2)
- Bomatsandzakubukwa labalungiswe ngitsi bashayela etulu.
- 3.7 Kunalabatsi lenkhulumo lekunombolo yesine itsatsa luulangotsi. Uyavumelana yini naloko? Sekela imphendvulo yakho. (2) [10]

UMBUTO 4: IKHATHUNI

Fundza lekhathuni bese uphendvula imibuto lelandzelako.

ITHESKTHI E

IFREYIMU YE-1

Sengiyahamba,
nitawusala
nitibona.

Nabo Sigodvongo,
kukami lapha,
ngatishaya
taphelela mine.
Awuyi!

Hawu make,
ungakusho njani
loko ngobe uyati
kutsi bafana
abaphek?

IFREYIMU YE-2

Yebabe,
kuseNingizimu
Afrika lapha!

Safa
yindlala-ke
lamuhla.

Kantsi
sesiyimphumalanga
nenshonalanga yini
yemake
webantfwabami?

Lusuku Iwabomake, emadvodza awacace kutsi atinhloko temakhaya, adlale indzima yavo.

[Itsetfwe: www.heirraising.com]

- 4.1 Kunemusho ionabomahambisana kulekhathuni lengenhla, wubhale phasi bese uyabadvwebela. (2)
 - 4.2 Khokha umusho lotsatfwa njengemaciniso kube utsintsa imiva yalabanye eFREYIMINI ye-1 uwubhale phasi bese uyasekela kutsi kungani kutsiwe unguholo iuhlobo iwenkhulumo. (2)
 - 4.3 Nawubuka IFREYIMU ye-2, ngutiphi tindlela LETIMBILI letisetjentisiwe kuveta kutsi lomfana lophetse libhuku akakhulum? (2)
 - 4.4 Emagama ladvwetjelwe kulekhathuni amnika buphi bumatima lobabe losele nalabantfwana? Bhala KUBILI. (2)
 - 4.5 Ngekubona kwakho, nguuphi umlayeto lowedluliswa ngulobhale lekhathuni ngenkhulumo yalomake eFREYIMINI ye-2? (2)
- [10]**

UMBUTO 5

Fundza letheksthi bese uphendvula imibuto lelandzelako.

ITHEKSTHI F**BUPHUYA ABUYIVIMBI IMPHUMELELO**

Kweswela kuyamfundzisa umuntfu indlela yekuphila, kantsi lomunye kumenta atibukele phasi agcine atsatse tincumo latatisola ngato. Lonkhanyiso yintfombatane lehlakaniphile lebeyineminyaka lelishumi nesihlanu. Ekhaya kubo bebaphuyile. Likati belilala etiko. Uyise bekungumfuyi wetimbuti, unina atfunga **tidvwaba** bese uyatitsengisa. Unina bekasebenta busuku nemini atsengisana naletidvwaba. Batali 5 bakhe bebamfundzisa kutsi uma bamnika imali yekudla esikolweni atilondvolotole lenye. Bekanikwa emashumi lamabili emarandi ngeliviki.

Kutse ngalesikhatsi aphotfula matekuletjeni, bese anemali lenyenti. **Leyo** ntfombatane uma iyiteka indzaba yayo itsi beyingaceli lutfo uma kumele ivakashele tindzawo letitsite, beyivele itsatse kuyo lemadlana, lesalako ibuye iyikhiyele kulelibhange layo 10 lasekhaya. Lenye indlela lebeyimngenisela imali Lonkhanyiso, kusebentisa umshini wekujuba tjani uma tivaliwe tikolo ngenyanga yeNgongoni ngobe bekasuke angenti lutfo Iwasesikolweni. Ungumhlengikati esibhedlela sangakubo njengobe sikhuluma. Lendlela yakhe yekonga imali ngiyo leyamvulela ematfuba ekuyowufundzela 15 lomsebenti. 'Ngisachubeka nekutibekela imali yami.' Bantfu bambita ngamlumbimnyama.

Bafundzi labanyenti balahlekelwa likusasa labo ngenca yekweswela Iwati Iwekonga imali. Uma bangafundza kuyibeka ebhange, bomashonisa bangadlalela ekudzeni nabo.

[Ihunyushwe isuselwa ku-inthanethi]

- 5.1 Khokha umusho lonelibitongco lelikuletheksthi endzimeni yekucala uwubhale phasi. (1)
- 5.2 Phindza ubhale lomusho lolandzelako esikhundleni seligama lelidvwetjelwe ufake mcondvophika walo.
Ekhaya kubo bebaphuyile. (1)
- 5.3 Bhala libintana laleligama lelicindzetelwe endzimeni yekucala. (1)
- 5.4 Emagama ladvwetjelwe kulomusho lolandzelako acuketse sippi sinongo senkhulumo?
Unina bekasebenta busuku nemini atsengisana naletidvwaba takhe.
- Khetsa imphendvulo kuletilandzelako:
- A Simuntfutiso
 - B Sicatsaniso
 - C Siphukuto
 - D Sihabiso
- (1)

- 5.5 Sebentisa sabito sekukhomba lesicindzetelwe endzimeni yesibili emshweni lotakhele wona sisebente njengesabito. (2)
- 5.6 Bhala lomusho lolandzelako ucale ngekutsi:
Lonkhanyiso watsi ... (2)
'Ngisachubeka nekutibekela imali yami.'
- 5.7 Endzimeni yekugcina kuneligama lelisha leSiswati, takhele ngalo umusho. (2)
[10]

SAMBA SESIGABA C: 30
SAMBA SAKO KONKHE: 70